

Treći nalaz utve zlatokrile (*Tadorna ferruginea*) u Bosni i Hercegovini

Third record of Ruddy Shelduck (*Tadorna ferruginea*) in Bosnia and Herzegovina: During the annual monitoring of birds, habitats and illegal hunting in Livanjsko polje within the Adriatic Flyway 3 project, one Ruddy Shelduck (*Tadorna ferruginea*) was observed at Buško Lake on 05.09.2017.

Tokom redovnog monitoringa ptica, staništa i krivolova na Livanjskom polju, u okviru projekta Adriatic Flyway 3, dana 05.09.2017. na Buškom jezeru posmatran je jedan primjerak utve zlatokrile (*Tadorna ferruginea*), u jatu sa nekoliko jedinki divlje patke (*Anas platyrhynchos*). Utva se hranila u plićaku, pored pječanih sprudova jezera, na lokalitetu Ivančići (43.683442, 17.069836). U kasnijim terenskim izlascima utva zlatokrila nije bilježena. Nakon posmatranja ove vrste na akumulaciji Lipa 04.12.2016. ovo je tek drugo posmatranje utve zlatokrile na Livanjskom polju i treće posmatranje u Bosni i Hercegovini [Topić, G., 2014/2016: Nalaz rijetkih vrsta utve zlatokrile (*Tadorna ferruginea*) i baršunastog turpana (*Melanitta fusca*) na akumulaciji Lipa u Livanjskom polju. Bilten Mreže posmatrača ptica 10-12 (10-12): 147], po čemu se ova vrsta ubraja među najrjeđe bilježene vrste u Bosni i Hercegovini. Na Buškom jezeru, posmatrano je još 10.500 primjeraka močvarica, što govori o značaju ovog lokaliteta za veliki broj ptica koje na migraciji traže odmor, sklonište i hranu.



Slika 1. Utva zlatokrila (*Tadorna ferruginea*) 05.09.2017. na Buškom jezeru (Foto: Goran Topić).

Figure 1. Ruddy Shelduck (*Tadorna ferruginea*) on 05.09.2017 at Buško lake (Photo: Goran Topić)

Goran Topić

Ornitološko društvo "Naše ptice",
Semira Frašte 6, 71000 Sarajevo,
naseptice@hotmail.com